

# Un Basgiu Di Tè

*La passion d'un homme pour son île, est parfois semblable à celle que peut lui inspirer l'amour qu'il voue à une femme.*

*Elle devient alors à la fois un refuge et la compagne de chaque instant.*

Sott'à volte stillate seguitu i to chjassi  
Incalcu i mio passi nant'à e to scarpate  
U to dolce pattume, per mè ch'un aghju stanza  
Cuvene à bastanza, quant'un lettu di piume

È for di lenzole  
Facciu, mente spachja,  
Da ch'o dormu bè  
Un sognu di sole  
Un sognu di machja,  
Un sognu di tè.

A neve d'ogni cresta fughje i raggi caldi  
È da prati à valdi maghju face a festa  
Di centu mila fiori u trettu veranescu  
Di più lesu chè frescu, si strescina l'odori

À mente fidele,  
Di mane è di sera,  
Sentu cù piacè  
Un muscu di mele  
Un muscu di terra  
Un muscu di tè

Per strade sempre spare, à spessu for'di lettu  
O cara m'adiletta cù tè da monti à mare  
Un ochju à levante, da nant'à a calanca  
Vecu dantella bianca di sciuma frisgiulante

È d'un colpu d'ale,  
U gabbianu pare

Purtà fin'à mè  
Un gustu di sale,  
Un gustu di mare,  
Un gustu di tè

U sole chì si ciotta, à ciombu, nentr'à l'acqua  
È l'ombra chì si stracqua attempu ch'ell'annotta  
Poi a chjarantana superba, tralucente  
Cum'è l'albor'ardente li piglia a suprana

O Corsica fiore  
Di terra ferita  
Ti chergu per mè  
Un basgiu d'amore  
Un basgiu di vita  
Un basgiu di tè.

GhjuvanPetru Ristori \ Stéphane Ancey  
Vitalba